

簡松草堂詩集

簡松草堂詩集卷六

錢唐張雲璈仲雅

夜行

百里兼程去川涂入夜經天寒星戴角月黑樹成形
篷背吳霜重燈前魯酒醒不知來近遠船尾幾
長亭

相見詞四首

未見兩心悲既見兩心戀相見無歡容何況不相
見

初見何窈窕再見猶婉孌三見恐人老不如不相

見

今年見一面明年見一面三萬六千日止得百回

見

見多情易厭見少情易變但得長相思便是長相
見

題嵇秀才霽峰小照四首

此處亦人境何難數往還自從塵夢隔終古白雲
閒地積苔痕厚天留石骨頑惟餘高隱意一曲弄
潺湲

落落天風冷吹君萬里懷何曾高位置已覺絕朋

儋秋月飛明鏡長松折古釵坐來隨地好不必問
茅齋

聞說峰頭嘯聲迴大壑秋豪情凌赤壁傲氣落滄
洲深樹猿猶暝空天鶴易愁就君趺坐聽長作畫
圖遊

霽峰善嘯

洛下人初去才名衆口傳愁生新歲月夢繞舊山
川歷歷江南樹沈沈渭北天我來看潑墨把卷憶
前年

圖爲俞十一是齋所寫時是齋方客洛下

偕嵇存之昆仲薄暮步入南禪寺因呈方
丈燕公

幾回咳唾落塵埃會向諸天上界來十里雲霞環
寶蓋千年龍象護香臺嚴城暮色紅牆冷遠壑秋
聲碧樹哀此日媿無呈佛句前朝空問劫時灰

仲冬二日吳斧仙李迂松楊篴谷韓景圖
顧諤齋嵇約之招遊惠山以一生好入名
山遊分韻得山字

倦眼登臨許共攀天教骨與石爭頑勝遊欲泥連
朝飲名士何妨一例閒日暮雲霞迴絕壑風高猿
鶴響空山亭中萬古清冷水留向紅塵照舊顏

晚集絢秋軒卽事限寒字

水精簾額影珊珊茗椀鑪香一室安落葉不消風
外恨名花長抱月中寒舊遊紅淚臙脂拍鄉夢青
燈翡翠闌猶有天涯知己在搏沙且向聚時看

次韻江丈橙里西蹟山莊雨霽曉起書事
雲葉裝成瑋瑁天雨餘清景破幽眠嵐光浮座初
涵日湖氣凌空欲化煙門外誰爲看竹客主人長
似在山泉羨他猿鶴逢迎地七尺紅藤判歲年

丁酉新歲索居寓齊有感四首

烏帽何堪閱歲華忽忽令節又天涯懷中磨滅三
年刺江上栖遲十口家寒色漸消殘臘雪詩情都

在小梅花絲羅燕渾閒事只是驚心赴壑蛇
朝來車馬六街塵寂寞文牕閉早春眼底紅螺誰
浪醉愁中青鬢自閒身賣癡已許還隨俗如願終
嫌未是神惟有東風長不改年年吹冷瘦腰人
回頭心事十年非客思淒涼靜掩扉豈有文章鸚
鵡誚空憐才子鳳凰飢花當爛漫終須折燕到尋
常亦強飛看徧天涯舊芳草依然顏色似春衣
流光彈指欲銷磨鴻爪何年踏雪過肥馬輕裘同
學貴殘羹冷炙五侯多離愁南國催紅豆鄉思東
風長碧蘿拋却明湖烟水闊不留餘地挂寒簑

人日和應叔雅用昌黎城南登高韻

梅梢花欲滿柳條色未弄尚慮同鵲栖已免作蠅
凍首春節自佳舊俗今猶用豫州盛歌吹望仙雜
賓從題詩草堂幽引興江湖共鏤金亦多事翦綵
喜相送顧我居蕭齋如蟲托斷葑嬾覺吟睂低快
想游目縱故園恣登覽春色紛倥偬卽此繫情深
不覺回首重

試燈前二日同人讌集寓齋卽用前韻呈

叔雅

遠客聞鄉言音比哀絲弄名士作豪飲氣破春蟄

傳本五言詩集
疎良會貴坦率不許機心用促膝皆親朋解頤到
僕從酌酒賢聖分賞詩雅俗共應子儒雅師莊諧
語疊送渙如融堅冰快若除積葑所憂而目陳寧
惜筋骸縱世情何紛拏羈愁亦倥偬對君感知交
心期長鄭重

懷燕

芳院梨花伴索居重門心事最憐渠語催歸路三
秋後影隔東風二月初畫夢蹴殘箏柱雁用放翁詩意
離情望斷蠟丸書只餘一桁紅簾畔卷上春寒水
不如

雨泊

楊柳絲絲繫客行，青綾薄被嫩寒生。
十年一覺篷牕夢，飽聽江湖夜雨聲。

哭徐完夫姊壻六首

名秉寬，德清人，官福建泉州烈嶼場鹽大使。

薨任二十日，疽發而殂。

海上驚風噩夢飛，傳疑傳信兩依稀。
素書讀後還留篋，急淚催來欲滿衣。
契闊已成千古恨，崎嶇終爲一名微。
空聞升屋呼臯某，只恐招魂未易歸。

楊花吹送滿帆塵，江岸玲瓏唱早春。

予於昨歲二月與君別于

錢唐

江上朋舊關心憐遠別，笑談轉眼屬陳人名駒只。

道才堪試尺蠖偏教氣不伸聚鐵六州難鑄錯頭
銜悞盡是閒身

寓公幾載傍青楊不速時過竹外堂

子昔寓德清與君居宅甚

邇階草未能留履跡園花偏自發衣香李均鏡是
何年借子敬琴先一例亡此日重尋舊吟壁雨零
風斷倍淒涼

徙癰奇術見無因恨殺瘍醫藥不神漫說彈疽能

忍痛豈同結癰爲生

瘰韓子能使人彈疽者必其忍痛者也又化書憤則結

癰怒則結疽

米鹽作計多鱗雜婚嫁頻年亦苦辛泉下

定知心未冷荆蘭長戀白頭人

荆蘭之衣見孟子疏君有母儀云

一聲哀些起長嗟庚子何堪日易斜自昔早哀憐
病影虛傳強仕閱年華驢鳴亡後應無客鴛鴦生
前欲破家遲爾南來孤櫬遠飄零丹旌恨無涯
秋風作意敗修蘭迢遞浮家嶺嶠難雨濕羈魂干
樹黑雪深歸路萬峰寒聽殘入夜啼烏冷望斷謀
生宿雁單幾度天涯腸百折女嬃砧急動洸瀾

舟中對月二首

孤篷況味太清嚴一片方諸乍啟匳入座冷疑光
欲瀉舉杯狂覺影相兼愛看迴盪羅裙水欠放玲
瓏玉押簾夾岸模糊楊柳色睂痕不似舊時纖

萬里遙天學水澄
篷牕遊興劇飛騰
林香不斷風還續
夜氣將沈露欲升
坐滅銅荷長減淚
臥酣瑤簟乍疑冰
只嫌多事船頭槳
劃破團團似有棱

月色正佳中夜忽晦旋繼以雨

扁舟凌空明榜人
唱流喝圓輝豔豔
移淺水鱗鱗活
素娥忽朝天深閉
瑤殿闕西厭方自
生南斗奄已沒初
疑仙桂散或者顧
兔脫熹微漏斜雨
涼意入毛髮母乃
敗人興不得供發
越橫溪漁梁深夾
岸葦路闊頑雲竟
大野遙天但一抹
遮蓬聽瀟瀟疎點
作還歇不如瀉銀
潢解此蟾蜍渴

如臯道中

小紅版覆野橋低，俯水灣環粉郭齊。
遮却二分明月，路揚州只在綠楊西。

水繪名園跡已陳，當年修禊句猶新。
可憐小苑蘼香後，冷煞湘中閣上人。

順風舟行偶誦東坡去得順風來者怨句
卽用爲韻得七首

天公憐困滯，作力巧相助。突起土囊口，吹我片帆
舉。蒼鷹掠地來，駿馬絕塵去。頃刻百里閒，計程應
可預。

舟師弄奇險帆脚愛敲側飛沫濺人面冷受浪花
逼奚童坐若瘖屏氣不敢息卽此駕龍鼉快意偶
然得

來船亦張帆欲以逆取順勉強出人力退守不轉
瞬我初亦淹留其道在堅忍天時有反覆忽焉得
快逞

篙師坐無事擊楫流澌中吹脣與嘯指

四字見南史

宛

轉能呼風危檣矗高樹驚墮鳥巢空結陣落前溪
衝破烟濛濛

田溝時雨足瀉水如春雷風湍聒兩耳欲與爭喧

輕身沙燕過穩坐檣烏來惜無骭髀人誰共傾
芳醕

前村綠樹中隱約見蘭若葵榴媚薰風秀色紛滿
野點綴出閒景樂事不可假慙媿抽帆急役役何
爲者

隔浦聞吳歎一一動哀怨客懷歎幽獨入耳增纏
繚水風吹衣裳疑有雙翩健船尾炊烟青消受蓬
牕飯

舟中書懷四首

經時蹤跡滯天涯江雨江風寄一家耳熱頻酣吳

苑酒眼明空飽廣陵花篋中書寄勞紅鯉壁上詩
成羨碧紗留得玉簫哀怨在底煩絃柱說年華

識字耕田兩不堪三十

平

世味漸能諳清歌解道

蓮心苦佳境誰嘗蔗尾甘長把詩情拋水曲久憐
鄉思負花南年來抱志荒唐甚鄉衍從他一例談
俯仰分明類桴槩草痕空如舊青袍徒煩筆墨驅
雙腕會見春秋逼二毛夢裏錦絲無分索天涯菜
把幾曾叨年年飽看江潮水千古英雄向此淘
休言小住便爲佳幽恨從教次第排差喜有謾長
樹背

詩注背
北堂也

誰憐如橘漸踰淮六時已被閒身悞

一別空將古誼乖未許木雞參妄論靜中原是舊
形骸

省兄鶴城宿官舍有作

阿兄生計託羸官豈爲名微意不歡數口自成門
戶累經時長抱別離難漉沙雪壓婆蘭重噓海風
迴舶趨寒暫喜對牀能踐約未妨輒語報更闌

雨中晚集碧雲僧舍茗讌示朗潔自牧二
開士

雨餘空草發幽香小徑斜升竹外堂寶相下垂龍
女鬢齋廚分受鶴雛糧禪心已覺前修證綺語難

教結習忘一落天涯塵滿面暫從閒地得清涼
青豆房開暮景澄茶瓜留客興飛騰談深麈尾縱
橫健坐久曇花次第增小雨泠泠松外磬微風豔
豔佛前燈阿師許我圓蒲共幾劫紅羊算未能

廨後菜圃閒眺

排日坐小年旅興不可遣海隅少遊境雙足未容
展官衙雜僧廬僦居地何褊閒園拓數弓差許小
步演寬輦次第來恰稱沙足輦豆苗初縛架一一
稚竹選人莧坼輕紅

人莧見易正義又
本草有紅人莧

頗愛出土

淺高槐蔽濃陰老幹絡枯蘚詎能免雍種亦復類

偃蹇碧水環周遭淪漪自流轉戢戢浮鯈魚趯趯
跳黠犬緣隄水楊柳枝葉細如翦隔溪數茅屋人
語畧可辨僧雛事學圃行汲足屢跣不爲漢陰機
誚語知可免好風樹底來微雨葉閒泣卽此濠梁
心已覺知者鮮

鶴城坐雨

日日輕雷日日風簾波搖漾溜聲中秦箏隔潤名
香細蜀帳回寒繡被空樹色不知何處綠衫痕難
浣去年紅拍天新漲魚鱗活擬汎銀槎一路通

舟行雜句

隨身煙殼小於龕

陸天隨船篷詩
隨身織煙放

十日句留興尙

耽鴻爪雪泥何處是儘拋鄉思在江南

船頭掠徧野花香柳色縈波草覆塘不向菰蒲深處過爭知五月水風涼

一灣流水碧沄沄莎路交叉勢莫分絕愛檀欒溪上竹萬條青玉簫涼雲

香茅縛屋似團焦鹿眼籬編雁齒橋添種戎葵花一丈多情紅紫若爲招

看人嬌女髮蓬蓬蓮草花枝壓鬢紅解畫雙蛾不知皺生來長隔扇紈風

輕雷送雨墨雲低
瓜蔓新添水拍隄
眞箇船如天上坐
峭帆高與綠楊齊

閒關鳥語解留春
布穀提壺不厭頻
猶有多情紅領燕
慣拋雙翦送行人

不定陰晴著意難
耐他水宿與風餐
幾回欲疊香羅雪
又忍朝來半臂寒

輕穩扁舟去不知
攤書坐到日斜時
分明清味如禪榻
一樣茶煙颺鬢絲

拍拍常看水鳥過
梅黃新漲動輕波
一灘莎草青如翦
沙尾行來減脚鷺

清異錄以鴨爲減脚鷺

遙天倒影漾晴瀾
忽漫行雲幻紫巒
知是淮南山色少
擘空時涌妒羅看

旋螺沙岸失前溪
默數行程意轉迷
認得來時雙店泊
雉臯東路馬塘西

離離青舫逗銀燈
吠蛤鳴鼃動滿塍
木柝打殘遊子夢
泰州城外雨如繩

雙忠祠

并序

予客揚州寓居通泗門內居之對字有
雙忠祠祠中地悉爲居民所佔僅存一
額初不知所謂雙忠者何人又絕無碑

記可考後閩邑志始知祀明贈太僕高
邦佐及贈按察僉事陳輔堯皆死國難
者故稱雙忠按傳高字以道襄陵人隨
父業鹺於揚萬歷二十三年成進士歷
官薊州道終養歸天啟初起參政分守
廣寧值熊廷弼王化貞構隙邦佐知事
必敗乞歸方報允而化貞棄廣寧走衆
謂邦佐可入關邦佐叱曰吾一日未去
則一日封疆臣也將安之夜作書訣母
策騎謁廷弼請授兵赴難廷弼不納邦

佐仰天長歎泣語從者曰松山吾守地
當死此汝歸報太夫人遂解印綬自經
僕高永亦自經于側事聞贈太僕寺卿
諡忠節陳字九室萬歷中舉於鄉令歸
善考績以天下第一清官擬授御史既
而改牧膠州有餽山璽者受而懸之公
署升永平府同知甫至任經畧檄赴瀋
陽印馬事未竣而遼陷從者諷之急去
輔堯曰孰非封疆臣奚去爲引佩刀自
刎以死事聞贈按察使司僉事諡忠烈

二公在當時從容就義爲一時所難迄
今纔二百年而壞壁頽垣蕪圯已盡不
惟春秋之祀典闕如詢之土人且不能
舉其姓氏以是知忠臣義士泯沒於荒
煙蔓草之中如斯祠者蓋不少已予獲
居祠下無由一瞻廟貌良深感喟爰備
錄其事而系之以詩

片額題猶在雙忠蹟已荒去留存國是生死戀封
疆命畢朱絲綬名垂白刃霜我來祠下住無處奠
椒漿

喜鮑若洲自宣城過邗上卽送其赴京兆

試四首

江城闌寂斷知交蹤跡同時水上泡眼底晨星人
易散年來秋被夢難拋流光已赴修鱗壑心事還
看獨鳥巢忽漫相逢慰離索雞鳴風雨正膠膠

良袂分來歲屢遷京華曾記悵離筵

乙未春予與若洲別于都

下君猶重鼓三年瑟我已難謀二頃田衣角潤含

瓜步雨鬢絲涼繞敬亭煙書堂一夕留連意聚散

還憑問夙緣

若洲有句云可知聚散亦因緣

憐君身比打包僧驛路迢遙溽暑蒸巖下有光眸

炯炯風前留傲骨，棱棱長淮日落輕帆疾。古戍沙涼瘦馬騰，我亦舊時驢背客。紅衫烏帽記遊曾頻年，挾策向燕臺看徧槐花一例開。磨蠍未妨身有命，雕龍幾見世多才。賣漿市上終須識棄甲歌中，且復來莫遣玲瓏還唱別。鳳城連襪待春回。

寓齋再餞若洲

故人酒比石尤風，暫許離堂笑語同。此去心期長眷眷，如君行色太匆匆。歌來潭水桃花外，氣盡河梁落照中。遲爾秋霄雲路遠，憑將雙眼送飛鴻。

中秋夜有懷故鄉棘闈諸同人

識字始憂患憎命皆文章斯語在今人毋乃嫌其
狂學問裨身心未許淺者嘗如何金紫人每作筌
蹄忘豈能必科名但藉科名光君看通籍後無不
才氣揚擊之偶不中憤激潛爲傷內返亦何具外
貌託慨慷吾儕有得失分寸應自量未能事精勤
焉可敗矜張我友雕龍才冠佩何鏘鏘衣未柳汁
染屨爲槐花忙席帽踏棘闥意氣多軒昂想其下
筆時力透紙背強持彼萬選意校此一日長不知
花與葉一一孰對當此中甘苦味各在方寸藏豈
爲假麒麟要皆飢鳳凰不得自生羨得之亦尋常

乃以分內事而爲意外望前程本如漆對此增茫
茫束縛就規矩動足無翱翔心連樺燭熱骨受風
簷涼良宵華月炯徧照白玉堂桂子散如雨歷落
飛天香八萬三千戶盡裹玉屑糧

題趙蘅士羅浮清夢圖

影疎香冷兩無端翠羽聲中夢自寒留得空山明
月在美人高士合同看

幾點飛英散石缸靜中流水聽淙淙便應長作麻
姑蝶一樹梅花蝶一雙

春夢無痕枉自猜相逢縞袂共徘徊生平齒冷桃

源路莫更羅浮誤認來

韓景圖以其弟仲湘紅蕉軒遺草屬題卽
此代輓

如水年華一例輕冬郎才調美難京底須桐樹爭
看貴莫惜香奩是嫁名篋裏塵埋零素色

仲湘工畫

天

涯風緊斷鴻聲憐他此後西堂夢酒冷燈殘不易
成

月夜渡江

江光搖搖星欲墮月色照江月不大接空煙水乍
有無點散漁舟千萬箇我來正值秋三更輕帆小

槳中流行興狂祇恨月輪缺膽薄却喜江波平江
風吹人毛髮冷水腥未上蛟龍靜船不在水如在
天浴鷺飛鷗浩無影

月夜綸秋軒菊花下聽度曲

輕寒如水灑簾櫳絃急梁州聽未終香霧四圍燈
照座澄波萬里月行空催來檀版尊尊酒引入瑤
簫縷縷風自識天涯偏浪跡幾回怱悵對芳叢

題明春巖紅橋待月圖

蜀岡岡下水如羅六柱船輕打槳過不向橋邊看
月色誰知無賴二分多

碧天如洗露華流
翡翠筵空映玉鉤
怪煞東風簾外路
人人馬上看揚州

蘋花風起越羅單
天上笙歌迴未殘
只恐夜深歸太晚
有人樓畔倚秋寒

三更人海掩重門
良夜殷勤酒滿尊
對此鄉心忘不得
流金橋外記睂痕

流金西湖橋名

有所見三首

朝廷設流品
官人職有九
凡屬在末僚
不過効奔走
如何今之人
意氣輒自負
一涉登仕版
驕矜難與偶
章服常在身
頭銜常在口
威福常在面
令甲

常在手大車出檻檻臧獲趨左右乍疑爲貴人細
認知某某雖然識量淺亦復習氣狂羣兒自相貴
誰肯落其後朝來大府趨色奪非所有煙視而媚
行高尻而下首

故人得美官貧交動色喜謂其俸錢足可以庇知
己謂其聲氣通可以相料理一旦遠相投蕭然戒
行李闌者見其來睥睨相汝爾主人聞其來夷俟
不卽起遲久出戶迎交意淡如水先言官地貧窘
態仍昔比再言非要津不足供指使其說如懸河
汨汨不能止充義至于盡似我反勝彼客有千萬

言無許出喉齒

拙婦厭鍼紉莫持錦繡看俗宦非科名不知文字
難與以一卷書張口雲霧端偏有胡僧祐半解每
自謾乃故剔黝之不令名譽完吹毛必求疵洗垢
必索瘢褒衣大袞輩目笑措大酸究其所由來自
分非儒冠慮先爲所輕反脣相譏彈又因文學士
往往多貧寒藉此筆耕計未免有所干頤指而氣
使隨例授一餐可憐鳳皇飢遂遭鴉雀讙昔有河
南尹車下謁趙壹范雲訪休源高談每盡日望之
於此輩母乃人已失豈有作大諾而能好儒術

梅花

梅花冒霜雪欲踞衆花上雖開一二枝寒勒仍不放須知爛漫看總待暖風颺從前力爭先未免太倔彊所以春來花都學桃李樣

戊戌正月十二日與兄話別邗關

門鎖寒潮水急流孤篷離色黯于秋橫空朔雁難爲侶韜日行雲欲送愁十載功名慙馬足三年宦跡比蠅頭弟兄同是天涯客鹿鹿何堪更獨遊
津亭攀柳一分黃去住無端各自傷顏色定知殊惘惘前程如此太茫茫久憐京國多塵夢似望并

州作故鄉白髮衰親好持護客中最憶是高堂

邵伯埭微雨

瑟瑟湖波雨氣侵船牕屈戌夜寒深春風猶是揚
州路只隔珠簾一片心

試燈日作

東風搖搖圓月升誰家院落燒華燈蠟烟漲空作
紫霧不知萬里天容澄廣陵夙昔盛燈事包家妙
技猶堪識羣山夜響霹靂驚千門影炫龍魚戲此
日繁華無限生此時歌舞不勝情人閒良夜洵可
買豪家不惜金貲輕孤篷靜掩寒風透遊子清愁

歛雙袖遙知閨怨落天涯獨翦蘭煤聽玉漏

十七夜宿順河集是日爲家兄四十初度
江春梅柳物華同無盡燈燒此夜中客子光陰驗
時節天涯兒女憶青紅人逢強仕祈長健座有清
尊莫放空羈旅只將私語祝蠟九雙燕寄東風

途中懷家慈

年來藥餌鎮相將鶴髮蕭然爾許長空說小人能
遺食翻憐遊子竟無方醫求龍樹眸多障杖借鳩
形足不良幾度南雲重回首時憑飛雁問康彊

黃瓜園雪夜

殘燈瑟瑟暗牕風行屐無聲漏正中但有扶頭村
釀白更無攏袖夜鑪紅寒生矮屋千家靜夢戀重
衾一縷通多少清愁消不得檀槽哀怨最難工

王西園侍御招集匏移卽事

年年騎馬踏京華舊認南朝鍛鏤家簾額影消風
外燭屏山香繪月中花春生越酒分曹送歡借吳
音隔坐賒真箇主人能醉客暫拋鄉思在天涯

寄內

淚滿東風酒滿襟迢迢別意共君深春愁陌上歌
楊柳遠夢天涯識蘂砧流浪琴書三月恨殷勤刀

翦十年心可憐視北長孤坐自理殘釭伴苦吟

三月九日夜坐書懷四首

時以妻兄嵇時軒贊善分校禮

闌復不得與試

落魄何緣一例看此來消息更無端仙源自昔曾
難到古井依然不起瀾華燭凝成鄉淚重東風吹
透熱腸寒五陵同學應多貴漫說爭彈貢禹冠

棘闌深鎖夜沈沈星月齊看萬戶臨得失自諧千
古事功名爭在一宵心高樓奏角嚴更動矮屋飛
霜冷氣侵我是風簷舊時客多從席帽識悲吟
識字耕田兩不如長安大好閉門居有人解說泥

金捷姓氏先同淡墨書

不與試者例揭姓名於院門

壯志消殘

香燼後歸心例及燕飛初何因學得圓蒲法妄意

從教一懺除

歲華空度幻中身靜對風花悟夙因檢點十年仍
故我評量萬事總長貧吟餘羌管終含怨看到
皇州不惜春莫道緇塵能化物得歸還是素衣人

殘月曲

殘月如貧女羞澀頗難見又如晚春花照眼色自
倩沈沈影射明牕西欲出未出風露淒霜鳥不飛
萬籟寂一弓斜挂銀河低月中窈窕佳人出愛月

情深還拜月不愛月圓偏愛缺月圓月缺有定期
圓月每遭風雨遲君不見紅顏儘多薄命事好花
豈有全盛時

房櫳

海棠芳院正迢迢銀蒜銅魚閉暮朝燕語說花春
易晚月波留鏡夜難消柔情遙送紅蘭榭別意空
連碧玉簫此日重牆容小住東風依舊上輕綃

懷梁諫菴病中

方丈維摩久閉關茶鐙藥竈鎖蕭閒劇憐束縛如
金鎖想見顏唐似玉山翠管有情裁句好烏衣無

恙寄書還 春愁已是難拋却 莫對東風損瘦顏

同里有初上春官墜車而死者詩以傷之
征途本崎嶇名場亦坎坷 難難兩相并 忽焉出奇
禍驚魂飛馬足殘命畢車軻當其得名初自謂無
不可易若摘領髭快比發箭筈乃如從軍人先以
革自裹夢棺而得官此理本相左寄語天涯客杜
門計須果

四月二日出都同人祖道城南留別二章
黃埃散入馬蹄輕又抱羈愁出鳳城 懷刺未蒙知
已譽臨歧空戀故人情迷離芳草回頭遠流浪飛

花過眼明惟有東風知別意
驪歌吹斷却無聲
綠楊祖帳晚烟濛
落落襟期幾許同
去住卽今憐
舊燕往來母乃類
飄蓬歸雲有路心
終戀春夢無
痕事已空
三度城南相送處
逢君只在別離中
凡予四上公車稽久之送予三次矣

見道旁柳色感賦

雨絲風片弄輕寒
無限柔條欲綰難
莫怪天涯飛絮滿
此身原在道旁看
千絲萬縷太娉婷
遮盡長隄十五亭
值得紅牙歌版拍
年年向客眼長青

牽恨縈愁欲送行楊枝曾占舊時名客心久作沾
泥絮舞徧纖腰枉自輕

燕翦鴛梭不奈愁暖風搓綠自輕柔一生受煞紅
閨怨空帶黃塵傷馬頭

輕煙夾道正濛濛說著丰標已不同羨煞龍池春
色早托根無地恨東風

大堤三月草如茵歲歲春光一例新慘綠少年多
落魄不知誰是染衣人

官柳

官隄種柳如排衙千株夾路清陰遮十年之計在

樹木表道一一程無差居民剝柳作薪賣賣薪償
債一時快明年柳盡催補種種柳依然來借債

馱鈴

敝車羸馬載行旅馱鈴琅琅作人語似訴人閒行
路難北往南來向何所風淒雨苦天沈沈鈴聲催
人淚滿襟郎當入耳如悲吟我曾聞古時牛項鐸
能中黃鐘音爾鈴空碎行人心

獨輪車

定張之名出考工羊頭之號來漢宮此車不知何
所昉隻輪歷祿風塵中商羊畢方皆一足造作毋

乃相爲同推之輓之何踽踖嗟爾隻輪且行役雙
輪自徧天涯跡天生此物在長途那得令人不爲
客

苦水

行人吻燥舌本彊道逢苦水試一嘗飲河滿腹不
知足得此便欲誇甘漿我曾家住龍泓谷又復往
來惠山麓常將活火煮山泉花瓷點出春芽綠無
端北地飽風沙一勺何由解塵俗吁嗟乎路旁行
旅日蠶午苦水非苦人自苦

繩牀

繩牀聯絡繩三尺行人倦臥苦偏迫牀頭土氣立
四壁殘燈半明餓鼠齕豪華公子狹斜客紅羅生
春裏蘭麝魚鱗之被龍鬚席那復知有繩牀窄到
此應亦甘跼踖

村酒

道旁村酒書零沽青旗三尺爲揭藥行人下馬聊
一醉不用流涎逢麴車江南三月花扶疎吳姬如
花玉雪膚勸客飲酒傾百壺惜哉欲換無金魚請
嘗此酒如不如

飼馬

鳥歸巢雙翮疾馬奔槽四蹄逸日行百里筋骨瘦
只戀棧中一芻豆背上瘡痂三寸厚長鞭又復鼓
其後逢槽依舊低頭就

夜柝

荒雞上距膈膊鳴木柝夜敲客夢驚村前村後相
應起江南舊有蝦蟇聲蠟淚涔涔垂玉箸寒風吹
扉天未曙夜半紉如打五更抵死催人出門去出
門去明星爛客心惶惶動長歎

旅舍獨坐

征途來往總如梭暫息塵機坐嘯歌叢雜方音南

語少零星筵弄怨聲多
雞栖自驗寒鄉宿馬齕疑
聞夜雨過月色似憐羈客意還將殘夢落煙蘿

楊花四首用壁閒孫蓀江韻

顛狂輕薄雨無蹤
不定眞看似轉蓬
強逐桃花飛一處更無顏色向東風

消得人閒蕩子名
紅芳落盡尙多情
近來却羨浮萍好猶勝漫天作雪輕

子規聲裏事全非
無賴春情欲點衣
莫向橋邊浪拋擲生來曾入繡簾飛

花氣還隨岸草薰
池塘三月正紛紛
若教長住春

風裏總比寒蘆勝一分

簡松草堂詩集卷七

錢唐張雲璈仲雅

清江浦解纜一夜已過六安溝蓋二百里
也快然作歌

北人乘馬如乘船南人使船如使馬長淮流轉穩
且便豈比瞿塘不可下邇來車中苦偈仄坐受塵
沙堆滿把登舟正值風水順十幅帆抽雙槳打在
船不知船去疾但覺衝波飛雨灑頃刻傳聞二百
里明月未西燈未炧客心到此亦豪健抑塞情懷
暫從捨消受篷牕一眴眠一任中流去如瀉我生

快意只如此樂事何須問真假我生快意盡如此
又恐逢人遭如罵

抵廣陵寓齋見牡丹未殘有感

人間富貴已虛生天上芳菲尙有情國色不妨容
冷眼名花何處譜新聲酒波灩灩流蘇重月地珊
珊舞袖輕莫道東風吹易到春光終隔洛陽城

禮部榜發親知登第者絕少感賦一律示

程汝安秀才

出門自笑舞春風銀榜金花也復空名字但將千
佛轉命途誰識六親同

里諺六親同命

江東羅隱詩猶在

淮右溫岐路盡窮貼月錦衣應共著何人飛入玉
輪中

江上阻風三日得八絕句以遣悶

繫纜江干傍古城打篷風雨正縱橫披衣鎮日成
危坐飽聽金焦濁浪聲

憤風駭浪似奔雷百級龍嵒駕海回浮玉山頭天
勢黑寒雲橫鏢妙高臺

荒唐古木臥江濱拍拍驚濤冷濺身十萬估船拋
鐵鹿只愁鉤損老龍鱗

南北帆檣往復頻天涯誰更念疲津我來忽唱公

無渡愁殺停船借問人

盤盤海鷗獨摩空滾滾江狔共拜風一个漁人拋
性命船頭出沒浪花中

山氣模糊濕不收大聲鞦韆動江流年來慣作淹
留客何用沈書祭石尤

浮梁商婦埽輕螺蓮草花冠壓鬢多日日舵樓高
處望生來渾不畏風波

燒殘樺燭殢深宵三月離情不肯消未免誤他江
上夢緘愁裏淚託寒潮

夏旱作歌

炎官火繖當天張海水百沸煎扶桑鳳狂龍躁渴
驥死但覺翠虛如埽陽鳥翔低田無水料不得高
田有水終難將交畦迸坼有似大橫兆青苗欲插
愁堅彊踐躡槩摩

四字見鄭箋

竟何用空使田夫仰首

頓足悲踉蹌十日無禾五日無麥似此直恐無童
梁隔轍之雨徒霖霖濯枝之雨虛淋浪洮岷硬雨
亦何益同州爛雨空相望水椿誰記滇越俗滯朝
但詠房陵鄉山中未睹舞石燕地底却使埋商羊
傾耳不聞山南雷作玉虎吼瞥眼不見雲中電掣
金蛇光旣無白躡涉波進不子又無阜裙鳴垤聲

悠揚豈是天哀瘠病雨入鼻

左傳注

致使當年魯國

徑欲焚巫尫不然必有目在於頂之女魃投溷不

死難逃藏吁嗟而祭載祀典八童男女相趨踰

羊公

注柳枝蜥蜴貯滿甕甘泉沆瀣浮清涼尻高首下

禱益力斷屠但許盤蔬嘗好生似足感天意棄灰

有令嚴何妨高城故是積陰氣

左傳注

閉陽先使局

南方茅檐滿望瀉銀竹豈知朝看明霞爛爛夜見

星煌煌我欲排雲叫閭闔面訴三十六玉皇手招

清塵之巽二口呼推車之阿香上遮赤日赤下挽

黃河黃神鞭鬼馭陰帝出風馳霧騁羣龍驤立施

膏澤起枯朽入街三日波濤長卑稌高黍盡霑足
喜見滿野青穰穰從天百叩乞天賜庶幾成就我
輩酣眠飽食一寫詩情狂

至梁溪過虹橋甥館時存之在揚州約之
往泰州迪之遊杭州稽氏昆季無一在者
因題絢秋軒壁上

城南老屋似槃薊寂寞扁舟犯暑過燕雁自憐相
避久蝶蜂應惜浪遊多落花飛處依簾軸小雨吹
來澣簾波何日追涼溪上路寬屨瘦襪踏輕莎

白描采蘭仕女爲稽容若題

繡桐羅帶壓輕紗
剗襪行來小徑斜
絕似淩波雙菡萏
十分涼露洗鉛華

瑤想璫思迴未眞
蕙心紈質淨無塵
近前却得尋常看
錯認朝天素面人

瑟瑟桐陰覆曲闌
石華廣袖動秋寒
生來怕說徵蘭夢
笑撚幽香繡伴看

滴粉搓酥一例空
何人省識向東風
承恩不羨吳宮寵
雙靨全消獺髓紅

次韻俞十一是齋適我軒避暑時養痾道
院

上清無路到到覺淨纖埃花氣時一過松陰長不
開閒牕棋子落小院鶴雛回欲起文園疾烹茶待
客來

觀我齋催雨

黑雲涌奇峰四起不可罷初疑墨汁潑或是蜃氣
射濯魚舊有名山帶時一跨邇來旱太甚赤日燒
亭榭流金與爍石酷烈不寬假忽來滂瀦觀少見
反生訝望雲卽望歲占晝兼占夜我姑妄言之用
是聊慰藉孽蟲初著鞭豐隆欲命駕潭中蜥蜴飛
海上黿鼉架土囊風盛怒清涼美無價玉女粲然

笑空際似邀迓千行瀑絲垂萬斛珠點瀉猛氣互
取威鬪勢各定霸立誅旱魃死坐令炎官咤可憐
小兒輩舌撝不敢下但願麥禾興豈羨花竹姪交
哇翠玲瓏滿棱紅穠稔莫以虛願賒易此實境借
皇天憫枯槁回心或蒙赦萬萬橫目民崩角向空
謝

文魚

井華爛湛色如銀戢戢文魚蹙細淪豈願春潮多
比日常憑雲母作修鱗聚疑濯錦浮江水散似飛
花點石茵若許釣師渲染處紅衣應稱畫圖人

夜來香

青蟲簪冷約殘妝小穗珠蘭色共芳伴得帳中人
夜視也應嬌寢號思香

霧鬢風鬟一例輕葳蕤枕畔嫩涼生分明綠萼前
身似何必鍼神借小名

訪若洲不值

良朋判袂動經年相見無由倍悵然碧樹遠連名
士宅紅牕閒鏤夕陽天清風集在人爭羨舊雨情
深我易聯聞說飢驅多孟浪憐君已作出山泉

暫還杭州夾菴有詩見贈次韻奉酬

北馬南船載客愁歸來只許二旬留烏飛屋上終
蒙愛鵲繞枝閒喜易投子歲時上冢必一歸杭多寓君宅柳色何
堪滿揚子酒痕重自驗杭州劇憐蹤跡多萍梗不
及蘇家好勸酬

鏡塘圖四首爲周鏡塘題

竹雨梧風一徑疎濠梁幽思稱閒居天機活似源
頭水莫向方塘更問渠

輞川圖畫見應眞水木清華迴絕塵但覺此心明
似鏡不知長作鏡中人

魚樂何妨只自知波紋十笏動參差分明一幅澄

江練添寫餘霞小謝詩

蕉衫涼蔭幾重重水檻風多露氣濃應有忘機鷗

鳥在飛來二十四芙蓉

隋宦者劉繼詮進芙蓉鷗二十四隻見類聚

次韻若洲送別

西風吹雨亂幽花渺渺涼天客意賒秋燕多情偏
近社鄉愁無際且浮家幾年朋舊關心事千里江
山閱歲華只有參軍同落魄青衫如葉墨痕斜

九月十二日王晚香邀至傍花村看菊隨
步入員氏園坐宛委山房復汎舟至九峰
園過古渡菴訪無言上人歸作長歌紀遊

卽呈無言晚香

西風瑟瑟吹茅堂高天萬里如波涼良朋作意引
遊興邀我出郭尋寒芳傍花村居對城曲三徑不
比柴桑荒村人藝菊如藝菜繞門處處花爲牆連
畦插竹分品目爛若霞彩舒秋光秋光散入碧空
去玉露下洗鉛華妝紅絲紫粉殊不惡正位獨數
中央黃

昔人云菊惟黃爲正餘可鄙也

古人名言眞曠達但使有

菊皆重陽我來看花騁游目所到便足成倘伴石
細路古行徑仄名園樓閣遙相望花枝礙冠藤刺
眼穿破水際煙華蒼風迴漣漪漾寒綠影寫萬个

琅玕長汪家園好畜奇石坐令海岳生顛狂巫山
十二割其九至今烟霧縈蒼茫拏舟急命遠相訪
一水上溯芙蓉塘南虹橋邊雙槳疾船頭獵獵鳴
菰蔣到門已覺開異景花木絕似平泉莊諸峰羅
列各有態佛胛鬼面森開張濕雲下天倒空立乾
髓出洞因風僵壺中九華在湖口名字舊得坡仙
彰主人好奇與位置視此直欲無低昂其餘亭沼
悉幽邃定有孺子歌滄浪蟻旋螺折通略約赤花
青豆開閒房老僧長看起肅客禪榻靜對旃檀香
蒲牢無聲石壇冷大樹黯黮陰空廊菴名古渡具

深意意示苦海浮慈航勞勞塵世本凡骨況復旅
興難禁當尋幽自昔意所好豈慮屐齒苔痕妨沿
緣溪路理歸櫂寒碧猶裊垂絲楊沙鷗愛人作前
導至此頗覺機心忘南山惆悵不可見到家且臥
東籬旁

七齡女細辛亡一年矣於其殤日作三斷
句傷之兼悼姪女阿巽

昨歲階前竹馬聲而今陌上紙錢輕羅兒零落金
鑾死留與人閒說小名

冥冥元夜怯西風夢入空堂笑語中魂魄不知荒

冢冷還如嬌小戀房櫳

空憶吟詩聽小茶同時風信折蘭芽如何原上青
青草不長三春姊妹花

阿巽亡亦七齡去細辛才十八日

高茗發表兄歸自都下復往蕪湖因題其

行卷二首

烏帽黃塵幾載看離堂一夕動悲歡容如滿月朝
朝減心逐秋蕪一寸寒名士舊傳溫卷例閒身合
署寫書官

兄時充四庫膳錄

相逢且盡論文酒休說征程

爾許難

依然相見各天涯往事重煩記歲華客信久同鳥

劍劒閨情空盼鹿蔥花山程水驛君多感淮雨江
風我寄家明日扁舟旋送別此來真箇似搏沙

送程汝安秀才歸里二首

脈脈寒江渺渺波先生歸思逼烟蘿由來束帶難

爲敬

孔安國注論語以束脩爲束帶脩飾見尙書疏

此後褰裳孰更過對

客未妨三拜傲長予何止十年多相逢重下陳蕃

榻猶記空堂入夜哦

如舟學舍打頭看東道虛勞說授餐豈有門生議

餽蟹終嫌童子誦芼蘭水邊驛路梅應發廡下書

聲月尙寒兩世交情一尊酒臨歧翻覺別離難

君爲

先大夫受業弟子兒輩又在君門一

送鮑戟門歸梁溪兼簡令叔若洲先生

浮雲無定姿籠鳥失壯翼三年抱客情如飢未甘
食江城斷知交閉戶苦偈仄冷人遇熱面往往不
易識喜見鮑明遠如睹裴叔則宛邱打頭屋俯仰
每自得說經何鏗鏗弟子有矜式青楊巷路近敢
忘過門軾倒屣迎仲宣共訪少元直看宇絕俗塵
談笑率胸臆本非交離形但有斧藻德坐之春風
中置之明珠側嗟我百不宜遇事深歛抑人生有
時命豈能計通塞與君吐深衷坦然除畛域何爲

是拘拘未肯遂默默君言獲我心快若去結轡當
此旅興濃每歎羈孤極同君作寓公往來可如織
忽焉向我辭歲晚歸心亟留君還送君輾轉鄉愁
逼君家叔不癡使我長相憶上書未見収面目久
黧黑頗覺眼如電何妨髯似棘路鬼逢椰掄對之
笑爲匿惟此楊遵彥銅盤荷殊特例以竹林賢叔
姪本相卽叔如澗底松森然動寒色姪如池中蓮
不復事雕飾何必偷江東同爲居道北煩君歸致
詞道我情悱惻空谷有佳人離憂滿南國

懷鄭仙吏兼簡都下諸同人

西北高樓漠漠雲衝寒空惜鴈離羣遠憐京國人
千里愁看揚州月二分占噀不知誰道我勞心無
那又思君讀書最憶康成地庭下長披帶草薰

高文定公一帆風正圖爲高香亭題

畫圖風物散清華指點行旌驛路賒飛檣遠臨揚
子渡輕裝晴壓衛公花未妨理楫時聞曲底用迴
帆別有撾漢使本從天上至莫將辛苦比乘槎

題鮑戟門青山澹慮圖

芙蓉江上是通津春柳春波一色新記我年年雙
槳泊落花如夢雨如塵

兩載揚州作寓公江南風物舊時同縱然澹盡人
閒慮猶寫鄉愁入畫中

與君踏徧紅橋路十里春風事等閒花月神仙兩
無分不如留眼看青山

問春軒薔薇一枝幽豔動人爲賦一律示
約之

風前乍覺可憐春霧裏看來恐未眞蝶夢不離芳
怨地鴛愁添與曉寒身卷簾雨寫千絲淚凝榭塵
埋一寸茵賸有多情相伴處牆頭新月似佳人

嵇亮采邀飲蓉湖酒樓卽事

江北江南屢往還，卸帆且得暫時閒。
柳花滿店春陰薄，鶯語留人別思慳。
萬點落紅衣上雨，一痕濃綠酒中山。
憑君無限殷勤意，爛醉狂歌判此閒。

清風涇口號

桑柘陰中打槳行，縣河東去碧溪橫。
居人只識張涇匯，始信生來未入城。

草風莎雨曉生寒，菰葉菱絲路不寬。
空說吳淞潮信便，潮來雖易信來難。

界河橋畔往來頻，判到鴻溝路自均。
只願多情橋下水，朝朝長載兩邊人。

清風涇半屬浙江嘉善半屬江南婁縣以一橋爲界

山塘

畫船來往比梭行樓閣參差似染成酒幔茶寮花
作市何人不起治春情

宛宛春波一徑通雨絲無賴颺東風我來人影衣
香外不唱吳孃唱惱公

讀友人闡文

睂黃喜色漸充閭處士聲名豈盡虛在位似揚公

罔解論文敢比較人魚

邱宗卿謂場屋之文如校人之魚與濠上之得意異

矣見困學紀聞

流將涇渭終應辨繡出鴛鴦孰不如竈達

自來原有命眼前皆讀十年書

潤州郭外聞鴈

野岸亭空繫客舟，嚴城如帶俯渾流。
難將濁酒消殘夢，止向孤篷說壯遊。
鼓角靜迴千嶂月，魚龍堅臥一江秋。
天涯夜色長如此，都付高寒獨雁愁。

題明春巖雙鬟伴讀圖

兩兩纖腰十五時，愛將紅袖熨烏絲。
怪他畫壁渾無賴，枉費黃河遠上詞。

香溫茶熟共氤氲，動釵飛總爲君添。
入西園圖畫裏，一時風韻自平分。

腰杵睂山伴歲年，尙書侍史總如仙。
生平齒冷圍

雲隊說到清娛也惘然

錦袍公子墨痕斑綵筆分題向小蠻
軟玉油牋封不得相思還有繡雲山

金桐巢爲予言命慨然作此

悠悠身世總虛名綠髮韶華似隔生
旣已屬花應有戀孟郊句詩人命屬花誰言如紙不妨輕
角張久被流年悞生死憑他注籍成
更向長街尋日者浮沈付與斷絃聲

移寓眞州四首

門外東風埽落花強隨流水到天涯
近來蹤跡輕

於燕飛徧紅樓不是家

舞榭歌臺思不春空教流浪苦吟身年年一舸浮
家去只恐樵青也笑人

綠苔人跡蹴迴廊小篆蝸銀蝕舊牆不識明年又
何處竹樓底用記黃岡

雨淋鈴唱總堪憐會說紅裙歛葬錢柳色已迷仙
掌路來尋風月弔屯田

新城尚書眞州絕句自注
柳屯田墓在城西仙人掌

按邑志今柳墓已失所在且城西亦無所云仙人掌者不知漁洋何所據也

虹橋誌別

把酒晚風斜風前客憶家熱心紅叱撥冷面綠琵琶

琵琶歷三千柳堂羅一萬花不堪雙袂判春色落天涯

上元客思

門外魚龍炫影看尊前長覺恨漫漫采完蠟鳳閒
情滅熱透香猊別夢殘明月定知千里共春宵惟
有一人寒誰憐孤館繁華歇小庾吟成句未安

鄭仙吏以水墨玉蘭索題爲賦三絕句

玉樓簾卷不勝寒芳樹層層露未乾恐向唐昌同
悞認故將潑墨與人看

溪藤如研寫瓏璵殺粉調鉛一例空此是人間佳

子弟不愁無色向春風

仙妝天半阜羅斜敢惜風前玉有瑕費盡金壺三
斗汁始知春色是高華

宿遷舟次雜詠鄉味九首同汪學正劒潭
作

芹

采得靈芽寸寸香楚葵風味似菰蔣飢盤尙亂苔
花色入齒寧愁沼氣涼碧澗調羹宜佐膾青泥炊
飯舊名坊季鷹解憶秋風擢不共寒蕪一例嘗

筍

東風吹雨灑春泥一夜輕雷漸滿畦燕子飛時鴉
背膩杜鵑開後籜痕齊參來玉版禪同味比到柔
荑意轉迷二月臯亭山下路桃花捆束壓船低吾鄉
載筍船多以桃花插船尾以爲標識

茶

禪榻煙飄一院青采時纖手惜娉婷烏絲紙熨君
徽賦紅玉瓷消陸羽經蠶子雨飛香乍滅棟花風
細火初停武夷無限清恬味忍把乾魚薦幔亭史記
祀武夷君用乾魚

櫻桃

虛紅萬顆漸盈筐山鳥銜殘許共嘗入口定應唇
色亂堆筵先怕爪痕妨玉階人去妝猶靚用長吉
梳頭歌
詩意斗帳春回夢亦香不是上關休飽食年年長說
大官漿

楊梅

誰將佳果屬楊家詎怕留酸濺齒牙冷露不消肌
上粟殘絨相伴口中霞擘時汁染紅藍透堆處盤
分赤玉誇持較蠟兄風味好盧前名字未應差

枇杷

洞庭山雨冷霏霏五月梅黃却共肥豪氣每嫌金

彈小離情空恨蠟丸非淺痕愛傷鶯兒酒淡色全
消杏子衣聞說校書人姓薛花時長得護雙扉

蛤蜊

曉起腥風壓市長冷蟾方法付廚娘

清異錄有冷蟾見羹謂蛤

也蜊石華尙帶春潮暈沙鏡難分夜月光且食不知

緣許事長餐頗覺議無妨

二事見南史

荔枝只配江瑤

柱說與坡仙自在嘗

河狔

一時修網落寒潮合供芳筵玉箸挑入市定應憐

比目

售河狔者必雌雄成對

登盤翻欲妒纖腰

河狔如束腰者不可食見

本桃花水滿春無價柳絮風多酒易消長許食單
誇供奉水族加恩簿謂綵絲何惜競相招河狔愛
人因取之見物理小志

時魚

石首河狔價已平甘鮮誰與此同爭便教秀色看
能飽直把芳時喚作名雪骨多來空有恨銀鱗損
却太無情華堂不少金盤薦合配南朝宋嫂羹

寄贈汪槐塘先生

羣仙高會奉耆英金馬猶宣待詔名鄉國齒尊
商嶺叟公卿心折濟南生儘教壇坫抒襟抱自有

湖山管送迎百幅華牋雙鬢雪年年豪氣尙縱橫
時先生將八十

小宋

寢門官燭映羅紈紅杏花開曲未殘但得有人添
半臂不妨長忍錦江寒

下第後和人白桃花四首同汪劒潭

露井懸知種不同鉛華何處染香叢呼來芳字終
嫌碧斲盡春魂欲洗紅紈扇有情邀夜月玉壺無
淚灑東風水精枕畔依稀影輪與潮痕一綫通

鰕鬚簾白影迢迢燕雨鴛風一例飄玉骨成仙芳

怨減朱顏爲妾宿，慙消非關結子容。初退不肯啼，
紅色更嬌見。說阿環香汗冷，淺痕無復浣冰綃。
雪兒歌罷覆瑤觴，不是無言枉斷腸也。共穠華和
雨露，豈容冷面向門牆。夢梨有恨同流水，芳杏何
心傷。夕陽羞煞重來人，漸老更無顏色對劉郎。
強隨柳絮落天涯，開傍銀牆一色遮。雪浪自能留
素影，綵牋無復咏芳華。映將黛靨痕猶淡，尋到仙
源路恐差。莫道生來多命薄，生來修已到梅花。

眞州沙漫洲北岸有鐵鑄鶴子相傳爲鎮

水物

鐵鷁子不飲亦不啄目注鑿江江上水昔聞海鷁
除蛟龍聲價歛然來鄴市東夷肯換百餘緡今之
鑄形母乃是見宣室志君不見木鷁載表浮黃河石雞
鳴應寒潮波此鷁空奈江流何

大忠節祠

并序

祠在眞州東門外祀宋文信國公天祥
附祭者四人苗再成趙孟錦姜才王炎
午也

白沙城郭煙濛濛信國祠宇城闔東我來瞻拜肅
祠下神旂慘澹生英風昔公命相南渡季出使臯

亭進和議一聲白雁飛渡江從此南冠作囚繫計
脫京口何倉皇小舟夜竄鑾江鄉身歸漢室蘇屬
國志復唐祚張睢陽揚州制使庭芝李謂公說降
疑誦起檄下州守使殺之反把孤忠等姦宄是時
州守意不忍不敢留公貸公死閉之城外無所歸
極目滔滔一江水庭芝後亦殉國難其心之忠與
公擬天心不屬人事乖遂令兩賢不相倚制使原
非賀蘭等丞相真堪南八比爲逋客爲忠臣爲義
士爲遺民公之孤憤惟一人公之困苦在一身焉
知永嘉計不與臨安倫五坡被執柴市死碧血竟

染燕京塵計公在真僅三日至今廟貌留千春刺
史趙孟錦襲敵一死似狼暉州守苗再成一身盡
節真州城更有姜才舊都統授命揚州制使共三
人配食固其所加以弟子王炎午惜哉不及西臺
慟哭之謝臯羽又不及督府作傳之鄧中甫更不
及厓州被難架閣之杜濬若將炎午例三子從祀
於今更須補吁嗟乎公今一死宋不亡公雖不死
宋不昌當年文李縱相合天水社稷終難長興亡
若不關天意後來兵豈淪潮陽入祠弔古生慨慷
豐碑矗矗寒苔蒼祠之前兮波湯湯祠之側兮草

樹荒至今孤城落日行旅往來處想見當日公身
去住不可躑躅而彷徨

三影閣食生荔枝分韻得凡字

乍從塵騎脫筠箨雋味能教識大凡得食似同山
鳥喜分甘先解老饕饒平生夢想紅雲宴此日誰
償綠暈衫我比東坡不思蜀要浮閩海挂輕帆

題羅兩峰鬼趣圖

圖共八幅巨軸如杵皆當代大人先生
題咏然悉總賦無分咏者惟蔣心畬太
史各成七古一章最爲奇傑不揣蕪陋

亦學步焉

第一幅

一鬼隆背短足腹大如甕又一鬼一手一足相向而立

橐駝腫背鳬短足洛姬之肚將軍腹番兒一旦痛
屠腸疑有豬龍夜深哭此鬼肖之太奇醜不識此
中竟何有旁來獨脚相挪揄自詡擎天惟隻手笑
君擁腫何所成無復人理空人形不如留此半支
體掉臂仍堪自在行此生軀殼本無益或全或半
憑誰惜世閒多少未成人伎倆生來能跳躑

第二幅

二鬼同行後一鬼赤體無衣其瘦如削

一鬼赤足披短襦露頂散髮亂不梳隨行一鬼如

腊枯兩脚無肉臀無膚知汝本是溝中徒不爾定
爲魯國巫前者唱于後唱喁含愁悵悵赴冥途天
陰雨濕哭聲苦魂魄相依吾與汝我但有禪爾無
禍予予同行歎藍縷華衣炫服不救死衮歛何人
亦如此兒孫分擁狐白裘空翦盈箱五色紙

第三幅

鬼使引男女二鬼邂逅相識

陰風吹短桃花命芳魂長抱傷春病陌上寒灰化
蝶飛逢郎猶作纏頭贈黃泉相見還相親秉蘭香
冷雙蛾顰鬼門關前暫攜手翻藉鬼使爲冰人他
生未卜今生了皓齒明眸藏宿草不知身入女青

亭女青亭女鬼獄名但道紅顏爲郎好劒山刃樹
見顏之推還冤記密于髮只有情絲未能割若教一死永不離看君
仍是生菩薩

第四幅 一鬼肥短舉小鬼扶掖而行

逆流蝦蟇羅浮精龍頭菌蝨豕腹腴僬僬尺五淨
九寸黃鬴肉几難憑行生前原是侏儒子飽死猶
然勝餓死朱門酒食定饜飫魂魄癡肥尙如此槩
跚鬼子扶不前手捧食器空流涎行尸笑爾何太
苦但供地府膏油煎豕前麥飯薦烏攫身後屠門
難大嚼飛來天半黑罡風吹冷空腸瘦於削

第五幅

一巨鬼膚髮皆綠兩峰於焦山親見之

大江波蕩黿鼉窟江光浮天星月沒女蘿薜荔山
鬼披荔作肌膚蘿作骨身長十丈髮等身蹴踏寒
雲立空闊焦山嵐翠如醞醕結就山林疑染出昔
聞魏準一死舉體青膽破長令心魂驚見南史又有
姦臣盧杞面藍色鬼貌分明心叵測化爲大厲何
猖狂展臂肉似蛟龍僵來尋蹇鶴起仙魄欲跨逸
翩朝空王君不見夜叉罔兩多巨跡綠毛仙人本
木客千載萇宏血不乾直教幻出通身碧

第六幅

一鬼頭大于身偃僂至地二小鬼見之驚走

僑如兄弟亂中國斷首載之耆見軾猶有精靈恨
未消子駒門前埋不得共工怒觸天柱峰掉頭白
與邱山同公卿袞袞見應笑此身可過頭難容後漢書公卿選懦
容頭過身偃僂俯地行躑躅小鬼驚趨還昨古
雖然頭角太昂藏却是生來腰易折終南進士君
知否饒口流涎劍在手若教持比月氏王定貯菖
蒲三斗酒

第七幅

數鬼參差張蓋冒雨而行

黃泉路黑天濛濛陰山慘澹吹陰風鬼氣化雨雨
淋鬼模糊一片浮虛空參差張蓋行不得冷濕盡

作寒號蟲似有鬼主與鬼僕踉蹌扶掖常相從蕭
騷雨點雜鬼泣泣聲夜入鄴都中天符昨夜下東
井推車何不隨豐隆生無廣廈萬間庇死尙泥滑
悲途窮青燐無光照行旅惘恍迷離不能語鬼兮
鬼兮汝莫苦天血使者號九頭飛作鬼車來載汝

第八幅

白骨散漫山野

縣縣延延山谷長蕭蕭瑟瑟松楸涼迷迷漫漫草
色荒啾啾唧唧鵲鵲翔髑髏當風作人立枯腊厚
裏寒苔蒼孰爲嫫母孰爲王嬙孰爲士庶孰爲侯
王人身三百六十五骨節僅與瓦礫同埋藏窮陰

上閉白日白冷雨下滴黃泉黃珠襦玉匣總無益
裸葬始信王孫楊此是人生必到之境界一一苦
樂相爲忘吁嗟乎北邙飛星大如缶防風專車竟
何有豈似神仙鑠子輕換却金丹長不朽

東巡臺

按邑乘臺在眞州北六里魏文帝立馬

賦詩處又名賦詩臺

城子岡邊路荒臺魏帝遊賦詩千鼓角立馬萬寵
貅南北看天塹山川想霸謀臨江空有歎愁絕浪
花浮

丹徒口候潮

孤舟寂寞傍漁磯八月秋聲樹色稀
古洞煙霞仙鶴死空江風雨老龍飛
尊前酒綠欺人鬢樓畔燈紅照客衣
潮落潮生渾莫定浮身回首舊遊非

璉市卽目

山骨秋來瘦溪流漲後寬
雨深沙觜膩風折鰣腰
寒柳葉連睂老菱花作鏡
看誰家樓閣上紅漾曲
闌干

湖上

縹緲樓臺柳色遮銀雲迴合抱村斜
屏移翡翠千

重嶂鏡寫芙蓉四面花疎雨不離青雀舫涼風先到白鷗家年年欲買寒簑綠鄉夢長拋在水涯

老馬和梁諫菴

舊是龍媒出漢家年年青海飽風沙齒殘尙戀明紗豆眼倦慵偷碧玉花半禿霜毛寒似練幾棱銅骨瘦于槎生來不落蒼鷹後多少神駒莫漫誇

眞州道中

早聞潮過石人頭暮見潮迴帶子溝願比茱萸灣上水生來從不解分流

朴樹灣西盡綠楊蜻蛉舟小竹牀方我來買得龍

茲薦分占紅鷗曉夢涼

朴樹灣多織龍鬚草爲席甚細謂之朴席龍茲見苟

子卽龍鬚草

朝來打槳不曾停十里新城記舊經見說年年二

三月桃花人面似臯亭

新城人家皆樹桃花爲業頗似吾鄉臯亭風景花時

夾岸如繡惜予往來皆夏秋未及見也

水榭風簾思不勝嫩涼天氣試吳綾樂康園外閒
歌吹直送離愁到廣陵